

Ky dokument nuk është prova. Prova janë bajtët e ruajtur: HTML-ja e faqes, pamja e saj, dhe zinxhiri i hash-eve që i lidh. Kjo dëshmi është paraqitja e tyre, e prodhuar automatikisht. Verifikohet me kodin më poshtë **pa na pyetur ne**.

ARTIKULLI

TITULLI	Zyrtarët e lartë dhe krimi i organizuar u bënë njësh në mbrojtje të Ergys Agasit
ADRESA	https://www.reporter.al/2026/09/25/zyrtaret-e-larte-dhe-krimi-i-organizuar-u-bene-njesh-ne-mbrojtje-te-ergys-agasit/
BURIMI	reporter.al
GJENDJA	online

KOHA


KAPUR NGA NE	25 shtator 2026, 06:36:43 UTC <i>Dritarja jonë e pasigurisë: ± 1800 s — intervali me të cilin e kontrollojmë këtë burim.</i>
DEKLARUAR NGA PORTALI	25 shtator 2026, 06:08:27 UTC <i>Koha e deklaruar vjen nga pala që po vlerësohet. Ora jonë nuk preket prej saj, dhe të dyja shfaqen këtu të ndara.</i>

HASH-ET · SHA-256

PËRMBAJTJA	5c4cda20ec81fa913c21e4d7de696b6fea934c3b2c68864cefbf4d6bc923c84e
TEKSTI	6c8ce2591383be695d6aaf568e3e0db66927104169ad875305d36525e0062fda
PAMJA	a6aee8a68efe0f11f8a66079ac48d1aedc0cf528a29c44b35b79dafccc5b9755

ZINXHIRI I PROVËS

KJO HYRJE	89c3ae63957e06e64170a17277e08c0677840bb18795776920542f9c64fd4532
E MËPARSHMJA	—
RRËNJA MERKLE	491fbc2f0e2919ed311b022f1b5f92632a55c8ad6fb3d3a6ed9398e35c5643c6
ANKORIMI	submitted — dërguar, ende pa bllok <i>Deri te blloku, kjo provon integritetin, jo kohën.</i>



SKANOJE PËR TA VERIFIKUAR

Kodi të nxjerr te eksploruesi i STAMLES. Ai regjistër nuk është yni: nëse serveri ynë bie nesër, vula mbetet aty ku është.

Faqja tregon njërën nga tri gjendjet — **nuk u gjet**, **në radhë**, ose **e konfirmuar** me bllokun, rrënjën Merkle dhe transaksionin në Polygon. Krahaso hash-in që gjen atje me atë të shtypur më lart: nëse përputhen, kjo kapje ekzistonte para asaj ore, dhe ne nuk mund ta kishim ndryshuar pas saj.

<https://scan.stamles.eu/verify/89c3ae63957e06e64170a17277e08c0677840bb18795776920542f9c64fd4532>

PAMJA E FAQES

Renderuar nga HTML-ja jonë e ruajtur, jo nga rrjeti. **Riprodhon kopjen tonë, jo pamjen e atëhershme:** stilet dhe imazhet e largëta mund të mos ekzistojnë më ose të kenë ndryshuar.

Motori: chromium-stored+assets · dritarja 1280×1024 px

Kryefaqja / Analiza

Zyrtarët e lartë dhe krimi i organizuar u bënë njësh në mbrojtje të Ergys Agasit

Hetimet e Prokurorisë së Posaçme sugjerojnë se anëtarët e krimit të organizuar dhe zyrtarët e lartë të shtetit u bënë bashkë për të mbrojtur Ergys Agasin nga arrestimi gjatë muajve të tij të arratisë.



nga Edmond Hoxhaj — 15 seconds më parë në Analiza, Artikull kryesor, Artikull kryesor Analiza

Koha e leximit: 3 min lexim

AA

0



Vlora Hyseni duke dalë nga SPAK

Mëngjesin e 22 shtatorit, forcat e Policisë së Shtetit zbarkuan për kontroll në një kompleks vilash të fortifikuara në periferi të Durrësit – një strehë e dyshuar e Ergys Agasit gjatë muajve të tij të arratisë.

Sipas njoftimit të SPAK, kontrolli u krye në zbatim të një vendimi të Gjykatës së Posaçme si pjesë e një hetimi më të gjerë të ndërmarrë ndaj një rrethi zyrtarësh të lartë, që dyshohet se ishin në kontakt apo e ndihmuan Agasin gjatë arratisë.

Subjekte të vendimit gjyqësor për masa sigurie apo kontrollesh ishin shefja e Shërbimit Informativ të Shtetit, Vlora Hyseni, ish-kreu i Policisë së Shtetit, Ilir Proda dhe zyrtari i Institutit të Policisë Shkencore, Fatjon Kalluçi.

Kompleksi ndodhet në një kryqëzim të rrugës "Durrësi në Shekuj" në zonën e Shkozetit dhe përbëhet nga disa godina me mure të larta betoni, dritare të izoluar dhe bimë kacavjerrëse që ngjiten deri në katin e sipërm.

Dy burime në dijeni të hetimit i thanë BIRN në kushtet e anonimitatit se kompleksi i vilave ku fshihej Agasi, i pajisur me një nivel të lartë sigurie, zotërohet nga klani "Tropolini", pavarësisht se në emër të kujt janë regjistruar këto pasuri.

Grupi "Tropolini" konsiderohet nga Prokuroria e Posaçme si një ndër grupet më të rrezikshme të krimit të organizuar në vend, me shtrirje gjithashtu në Itali, Gjermani, Holandë dhe në vendet e Amerikës Latine.

Më 21 maj 2025, SPAK njoftoi goditjen e një organizate ndërkombëtare të trafikut të drogës me qendër në Durrës, ku njëri prej drejtuesve ishte Elvis Doçi. Ai i shpëtoi arrestimit dhe u shpall në kërkim.

Doçi njihet me nofkën "Visi i Pojës" për shkak të lidhjeve familjare me Xhevdet Tropolinin, një person i hetuar gjithashtu në mesin e viteve 2000 nga drejtësia italiane për implikim në trafikun e drogës. Ndaj Tropolinin nuk është ngritur asnjë akuzë nga drejtësia shqiptare.

Zyrtarët e lartë dhe krimi i organizuar u bënë njësh në mbrojtje të Ergys Agasit

08:08 | 25/09/2026

Ish-shefja e SHISH, Vlora Hyseni mbetet në 'arrest shtëpie'

15:39 | 24/09/2026

Avokati i Ilir Metës deklaroi se rrezikon licencën nëse thyen bojkotin

14:14 | 24/09/2026

Nga burim tani edhe në destinacion: si po ndryshon trafiku i kanabisit në Shqipëri

13:57 | 24/09/2026

AGSH dënon deklaratat e Vlorë Hysenit ndaj gazetares Klodiana Lala

13:53 | 24/09/2026

"Garancia e plotë" e Ramës dhe përgjegjësia e tij politike për Vlora Hysenin

07:25 | 24/09/2026

Ergys Agasi gjatë shoqërimit nga Drejtoria e Policisë së Tiranës. Foto: LSA.

Ergys Agasi, 39 vjeç, u shpall në kërkim në dhjetor të vitit të kaluar me akuzën e përfshirjes në krim të organizuar në skandalin e Agjencisë Kombëtare të Shoqërisë së Informacionit, AKSHI, por u arrestua tetë muaj më vonë, më 26 gusht, në zonën e quajtur Plepat në Durrës, teksa po kthehej nga Elbasani ku kishte qëndruar për disa orë. Nga hetimet u siguruan prova që tregojnë se gjatë muajve të arratisë, ai ka lëvizur lirisht nga vendi ku ai fshihej si dhe ka vijuar komunikimet me personazhe të krimit të organizuar dhe funksionarë shtetërorë, kryesisht në Durrës, Tiranë dhe Elbasan.

Burimet në dijeni të hetimit i thanë BIRN se ndonëse informacionet për vendndodhjen e tij ishin të shpeshta, një operacion për kapjen e Agasit u vu në lëvizje vetëm pas një vale ndryshimesh mes drejtuesve të policisë, që pasuan largimin e Ilir Prodës nga pozicioni i kreut të Policisë së Shtetit.

Përfshirja e dyshuar e shërbimit sekret, Viora Hyseni në mbrojtje të Agasit gjatë kohës që ai strehohej në kompleksin e grupit Troplini e zgjeron skandalin, duke ngritur pikëpyetje të thella mbi mënyrën e funksionimit të institucionit kyç të sigurisë në Shqipëri dhe raportit mes zyrtarëve të lartë publikë dhe eksponentëve të krimit të organizuar.

Sipas të dhënave të rrjedhura në media nga dosja hetimore, nga qershori deri në gusht të këtij viti, mes Hysenit dhe Agasit janë gjetur më shumë se 500 komunikime telefonike në audio, video dhe mesazhe, në të cilat ajo identifikohet drejtpërdrejt me interesat e Agasit kundrejt institucioneve të drejtësisë që po e ndiqnin penalisht.

Hyseni akuzohet gjithashtu jo vetëm për gatishmërinë për ta ndihmuar Agasin, por për vendosjen në dispozicion të tij të cilësisë së saj si zyrtare si dhe të kapaciteteve të institucionit që ajo drejton.

Mesazhet e rrjedhura në media sugjerojnë se në shkelje të rëndë të detyrës, Hyseni e informonte Agasin për takimet me kryeministrin Rama, zyrtarë të lartë të shtetit dhe homologë të huaj. Gjithashtu, në një makinë të Agasit të sekuestruar në korrik janë gjetur nëntë printime në format të madh të diagramave me të dhëna të ngjashme me ato që prodhohen nga Shërbimi Informativ i Shtetit, të cilat janë në proces verifikimi.

Në një dëshmi përpara Prokurorisë, Hyseni ka pretenduar se kishte komunikuar me Agasin pasi ai ishte ofruar si "bashkëpunëtor", një version i cili hidhet poshtë nga SPAK.

Hetimet e zhvilluara deri më tani nga SPAK ndaj Ergys Agasit sugjerojnë se ai ka pasur ndikim mbi një numër zyrtarësh të lartë të institucioneve kyçe. Ish-zv.kryeministri në arrati, Arben Ahmetaj e ka akuzuar atë publikisht se luante rolin e "një koordinatori" mes botës së nëndheshme të krimit të organizuar dhe qeverisë së kryeministrit Edi Rama.

Etiketa: Edi Rama Elvis Doçi Ergys Agasi Fatjon Kalluçi Ilir Proda SPAK
Viora Hyseni Xhevdet Troplini

Reporter.al

Opinion
Reportazhe
Analiza
Investigime
Lajme

Rreth nesh
Stafi
Kontaktoni
Ankesa dhe Korrigjime
Politika e privatisë dhe

Follow Us



Blog
Rajoni

rrëgjuna të tjera
Letra për redaktorin

Të gjitha të drejtat janë të rezervuara
© 2014 - 2026 Reporter.al - BIRN
Dev by [Sfida.PRO](#)

Pamja këtu është e ri-koduar për ta futur në dokument. Artefakti autoritar është skedari WebP i ruajtur, dhe hash-i i tij është ai i shtypur te faqja e parë — pra dallimi është i verifikueshëm, jo i fshehur.